

Ginhcouh:

Fazdingz Lwnzlieb Vahcuengh Laebbaenz

钦州：成立壮语巡回法庭

10 nyied 24 hauh, Swcigih Minzyijveij、Gvangjsih Fazgvanh Yozyen caeuq 2018 nienz daengx guek Cuengh Gun sueng vah fazgvanh beizyin yozyenz daengz Ginhcouh Si Ginhbwz Gih Yinminz Fazyen Fazdingz Lwnzlieb Vahcuengh hagsib yawjngon diuzgaij、simjanq、buenqanq hozdung. Fazdingz lwnzlieb Vahcuengh youq 2017 nienz 3 nyied 28 hauh laebbaenz, fazdingz lwnzlieb Vahcuengh dwg daengx guek daihit aen laebbaenz venjbaiz.

Fazdingz lwnzlieb Vahcuengh laebbaenz gvaqdaej,

2017 nienz gungh souhleix susung angen 205 gienh, gietanq 205 gienh, yungh vah minzcuz ciepdaih beksingq daeuj cam haenx 1000 lai vunz. 2018 nienz daengz 7 nyied 11 hauh, fazdingz lwnzlieb Vahcuengh gungh souhleix susung angen 163 gienh, gietanq 126 gienh, gietanq lwed 77.3%. Swhfaz fuzvu daegsaek Vahcuengh susung, gij cozyung goeng' yauq de ndaejdaengz guh noix ndaej lai, ndaejdaengz dangdieg bek-singq haenh ndei.

(Suh Danhbingz/苏丹萍)



► Swcigih Minzyijveij Ying' yungcu lingidauj daengz Vahcuengh fazdingz yawjngonz.



▲ Doxdax yienhciegz.

Daengx Gih Liz Duiyouh Ganbu Fwen Doxdax Youq Sanhgyangh Gawjbanh

全区离退休干部山歌擂台赛在三江举办

10 nyied 23 hauh daengz 24 hauh, youz Gvangjsih Bouxcuengh Swcigih Dangiveij Laujgangiz cawjbanh "Langhyienj Gyaundeidei Mbanjcuengh Caezdanq Seizdaih Moq"—Gvangjsih liz duiyouh ganbu angqhoh Swcigih laebbaenz 60 hopbi nem Swcigih daihroek gaiq "seizcou ndei lai" vwnzva hozdung fwen doxdax youq Sanhgyangh Dungcuw Swciyen haibanh. 16 aen doihdaiqbuij 64 baux liz duiyouh ganbu daj daengx gih gak si、mbangj gihciz danhveij daeuj haenx, aeu Vahgun、Vahcuengh、Begvah daengj doengz daiz doxdax eufwen.

Mbat fwen doxdax neix cawz le haiguh doxdax cosaiq、fuksaik haenqrem ndeiyaewj caeuq fatciengj vanjvei le, mbiengj cawjbanh lij cujciw canghfwen caeuq baux gyaew eufwen haenx daengz aen yienh neix Linzhih Cin Gvandung Cunh Mbanjgvansiuj yawjngonz Dungcuw swyouz eufwn doiqciengq.

(Gungh Bujangh/龚普康)

Hocouh : Swnjcienz Feihyiz Dinfwngz Bangcoh Yauzcuz Beiznuengx Vutgungz

贺州：传承非遗技艺 助力瑶胞脱贫

10 nyied 24 hauh, aen ban beizyin gyagiengz dinfwngz dajsiuq, daezsang dinfwngz nyib buhvaq Yauzcuz、daezsang bonjsaeh baenzfouq vutgungz haenx youq Hocouh Si Bazbu Gih Budouz Cin Vangzsis Cunh aen gihdi swnjcienz buhvaq Yauzcuz haenx gawjhengz. 50 lai baux mehmbwk Yauzcuz daj Bazgvei Gih、Bingzgvei Gih daengj dieg Yauzcuz daeuj haenx camgya le lijln caeuq fwngzguh beizyin.

Dangqnaj, aen gihdi neix gaenq anbaiz Bazbu、Bingzgvei、Cauhbingz、Cunghsanh daengj yienh gih Yauzcuz beixnuengx 500 lai vunz guhhong, ndawde 300 lai baux mehmbwk hohgungzhoj dwg guhdangj laebgaj, moix bi ndaej dem souhaewj 2000 lai maenz daengz 7000 maenz.

(Denz Mingz/田明)



▲ Lauxsae nyinhcaen son hagseng nyinhcaen dingq.

Gunghcwngz : Banh Ciet Dijyuz Yisuz Vwnzva Minzcuz Ndawhag

恭城：举办校园民族文化艺术体育节



▲ Aen doihgyongraez haeuj ciengz.

10 nyied 18 hauh, Gunghcwngz Minzcuz Cunghyoz banh le daihcib' it gaiq ciet diyyuz yisuz vwnzva minzcuz ndawhag haimuq yizsi. Youq gwnz haimuq yizsi, gak aen bangaep gag baengh gij daegdiemj bonjfaenh, giethab minzcuz conzdungj vwnzva, yienj le aen youh aen cezmuz ndei. Guhcazyouz、gyongraez Yauzcuz、foux lungz foux saeceij daengj minzcuz minzsuz cezmuz ndeiyaewj raixcaix.

Gaiq ciet diyyuz yisuz vwnzva minzcuz neix aeu "Hungzyangz minzcuz vwnzva, cauhguh hagseng unqswnh rox leix" ma guh cawjdaez. Hozdung hingzsis lai cungj lai yiengh, neiyungz ndei, baugvat langh sawdoz、conzdungj diyyuz hoihyindung、doxdax minzcuz diyyuz、doxdax yienj minzcuz cunghyi cezmuz、langhyienj cozbij hongfwngz daegsaek minzcuz daengj.

(Gyangh Dauh/江滔)